

Түвшинширээ сумын 2021 оны 08 дугаар сарын ажлын товч мэдээ

Төрийн удирдлагын чиглэлээр:

Улсын Онцгой комиссын 2021 оны 01 дүгээр албан даалгавар болон аймгийн Засаг даргын захирамжууд, аймгийн Онцгой байдлын газраас өгсөн цаг үеийн холбогдолтой үүрэг даалгавруудыг хэрэгжүүлэн ажиллаж байна.

Сумын шуурхай штаб нь 24 цагаар жижүүрлэн ажиллаж байна.

2021 оны 08 дугаар сарын байдлаар сумын нийт хүн ам 3422, сумын нийт өрх 977, хүн ам, өрхийн мэдээллийн цахим санд хяналт тавьж ажиллаж байна. Шинээр төрсөн хүүхэд 8 дугаар сарын байдлаар 50, нас барсан 8 хүн бүртгэгдсэн байна.

Хөрөнгө оруулалт, Дэд бүтэц, Байгаль орчин, Хөдөө аж ахуйн чиглэлээр:

Улсын Их хурлын гишүүн Ж.Батсуурь, Н.Ганибал нарын санаачлалаар тус сумын 2-р багийн нутаг “Цагаан өндөр”-т хээрийн сайт байгуулахаар товлогдон, үүрэн холбооны Юнител компани гүйцэтгэж, 8 дугаар сарын 25-ны өдөр хүлээлгэн өглөө.

Сумын ОНХС-гийн хөрөнгөөр 2021 онд хийгдэх ажлуудаас ковш, хог зөөврийн машин нийлүүлэх ажил 100%, сумын төвийн гэрэлтүүлгийг нэмэгдүүлэх ажлын гүйцэтгэл 50%, сумын төвийн камержуулалтын ажил 80%-тай явагдаж байна. Сумын төвийн хогийн цэгийг цэгцлэх ажлын гүйцэтгэгчийг сонгон шалгаруулах тендерийг зарлаад байна.

Орон нутгийн хөгжлийн сангийн жилийн гүйцэтгэлийн үнэлгээний шалгалт 8 дугаар сарын 18-нд ирж жилийн гүйцэтгэлийн үнэлгээг хийгээд явсан.

Сум хөгжүүлэх сангаас 8 иргэнд 69,5 сая төгрөгийн санхүүжилтийг олгох зээлийн гэрээ, барьцаа хөрөнгийн гэрээг хийж тухайн иргэдийн дансруу мөнгийг шилжүүлсэн.

Зээлийн гэрээний хугацаа дууссан зээлээ төлөхгүй байгаа иргэн, хугацаа дуусч байгаа иргэдийг прокурорын байгууллагад шилжүүлсэн.

Улсын төсвийн хөрөнгөөр гаргаж буй худгуудад аймгийн хөдөө аж ахуйн газар болон худаг гаргаж буй компанийн төлөөлөл явцын хяналт хийсэн. 2 худгийн гүйцэтгэл 70%, 1 худгийн өрөмдлөгийн ажил эхэлж байна.

Сумын ОНХС-ийн хөрөнгө оруулалтаар 2 гүн өрмийн худаг гаргуулах ажил хийгдэж байна.

Сумын хүнсний дэлгүүрүүдэд мэргэжлийн хяналтын газраас ирсэн шалгалтын хүснэгтийн дагуу шалгалт хийж заавар зөвлөгөөг өгч 9 дэлгүүр, 2 хоолны газарт

шалгалтыг хийж нэлээдгүй зөрчил илэрч гарсан зөрчлүүдийг арилгах арга хэмжээг авч ажиллахыг хариуцсан аж ахуй нэгж иргэнд даалгаад байна.

Монгол улсын аялал жуулчлалын яамнаас тус сумын дурсгалт газар аялал жуулчлалын судалгаа бүс нутгийн талаар холбогдох мэдээ мэдээлэл судалгааг түүхэн дурсгалт газруудаар очиж бүртгэл мэдээллийг хийж гүйцэтгэлээ.

Монгол улсын ШУА, Боловсрол суваг телевиз хамтран тус сумын танилцуулга сум орон нутгийн түүх дурсгал уул усны талаар мэдээлэл бэлтгэн зураг авалт хийж орон нутгийн иргэдээс мэдээлэл, ярилцлага цуглуулж бэлтгэх ажилд 2 өдрийн туршид 200 км зам туулан ажилласан.

ШУА-н археологийн судалгааны ажилчдын дунд үүссэн маргааныг зохицуулж “ЭБНЭ” ХХК-ний үйл ажиллагаатай танилцаж гэрээ хэлэлцээр байгуулах талаар ярилцаж тохиролцсон.

Тус сумын Өлзийт багийн нутаг Оорцогийн ууланд археологийн судалгааны судалгааны үйл ажиллагаа явуулж буй Монгол улсын Чингис хааны музейн үзмэр, ШУА-н үйл ажиллагаатай танилцаж судалгааны ажлын үр дүн, явцын байдалтай газар нь танилцаж холбогдох мэдээ мэдээлэл ойлголт авч нутгийн малчид ард иргэд танилцуулан ажиллаж байна.

Мал сүргийг шимэгчтэх өвчнөөс урьдчилан сэргийлэх ажил сумын Засаг даргын захирамжийн дагуу хийгдэж байна. Мал угаалгын ажилд 4 ажлын хэсэг гарч 8 угаалгын ваннанд ванндаж угааж байна. Одоогийн байдлаар 40 хувийн гүйцэтгэлтэй байна.

Мөн цахим системд угаалгын гүйцэтгэлийг оруулж байна.

Ойрын өдрүүдэд хур бороо элбэгтэй байгаа тул мал угаалгын ажил зогсонги байдалд байна.

Мал угаалга 40%-тай явагдаж байна. Шүлхийн вакцин 100% явагдаж дуусаад байна.

Сумын хэмжээнд үйл ажиллагаа явуулж байгаа бүх байгууллага, аж ахуйн нэгжүүдийн гадаа талбайг ариутгаад байна.

Нийгмийн халамж, хөдөлмөр эрхлэлт, Боловсрол, Соёл, Эрүүл мэндийн чиглэлээр:

Хөдөлмөр эрхлэлтийн бүртгэл мэдээллийн нэгдсэн сан /LMIS/-д бүртгэлтэй ажил хайгч бүртгэгдэж, ажлын байранд 2 иргэний мэдээллийг зуучилсан.

2017-2020 онд Хөдөлмөр эрхлэлтийг дэмжих сангаас зарлагдсан төсөл хөтөлбөрт хамрагдсан 7 иргэнтэй холбогдож 450000 төгрөгийг дансанд төвлөрүүлсэн.

"Хөдөлмөрийн зах зээлийн дэх эрэлт нийлүүлэлт" судалгаа явагдахтай холбогдуулан сумын багийн Засаг дарга нартай хамтран

-Малчин өрх, 18-34 насны залуучууд, Оюутан, ААНэгжүүд, Хувиараа хөдөлмөр эрхлэгч нарын судалгааг гарган өгсөн, Мөн Залуучуудыг орон нутагт хөдөлмөрт бэлтгэх төслийн сургалтад хамрагдах иргэдийг бүртгэх төслийн зарыг сумын орон нутгийн цахим группд олон нийтэд мэдээллийг өгч нийт 9 иргэн бүртгэлээ, үүнээс хүнсний эрхийн бичгийн үйлчилгээнд хамрагдаж байгаа 4 иргэн бүртгэгдсэн.

Нийгмийн халамжийн хугацаагүй хугацаагаар тэтгэвэр авч буй 15 иргэний судалгааг гаргасан.

2021 оны 08 сард Нийгмийн халамжийн тэтгэвэр, тэтгэмж хөнгөлөлт тусламжийн үйлчилгээнд хамрагдсан 1 иргэнд 1051371 төгрөгийн мэдээллийг "Нөхөн олголтын" жагсаалтаар гарган бэлтгэн өгсөн.

Хүнсний эрхийн бичгийн үйлчилгээнд 22 өрхийн 99 иргэн хамрагдаж байгаа ба 8-р сарын 1,224,000 төгрөгийн "Хүнсний бүтээгдэхүүн худалдан авсан бүртгэл"-ийг гэрээт дэлгүүрт бэлтгэн өгч өрхүүдэд олгуулж байна. Хүнсний эрхийн бичгийн үйлчилгээнд хамрагдаж байгаа өрхийн хөдөлмөр эрхлэлтийн судалгаа, иргэдийн дэлгэрэнгүй судалгааг маягтын дагуу тус тус гаргасан.

Нийгмийн халамжийн ehalamj системд 6 хүүхдийн баримт бичгийг хүлээн авч бүртгэсэн.

08-р сард Нийгмийн халамжийн ehalamj системд "Цалинтай ээж" хөтөлбөрийн 0-3 хүртэлх насны хүүхэд асарсны тэтгэмжид 6 иргэнд, Жирэмсэн эхийн тэтгэмжид 5 иргэнд, шүдний хөнгөлөлт 1 ахмад, тэргэнцэр 1 ахмад, нийт 11 иргэний мэдээллийг бүртгэж тэтгэмжид хамруулсан.

Боловсролын чиглэлээр: 8 дугаар сард 2021-2022 оны хичээлийн жилийн бэлтгэл ажлууд хийгдэж байна. Энэ хичээлийн жилээс нэгдүгээр ангийн сурагчдыг цахимаар бүртгэх ажил анх удаа явагдаж байна. Нэгдүгээр ангийн 96 хүүхэд бүртгүүлэхээс 77 хүүхэд бүртгүүлж бүртгэлийн хувь 80%- тай байна. 8 дугаар сарын 24-27-ны өдрүүдэд нийт багш нар БМДИ -ээс зохион байгуулж байгаа цахим сургалтад нэгдсэн зохион байгуулалттай оролцож байна.

Сургалтын орчныг сайжруулахаар сургуулийн дотоод нөөц боломжоор хичээлийн хоёрдугаар байрын анги танхимд бүрэн засвар хийлээ. Дотуур байрын сурагчдаа хүлээн авах бэлтгэлийг хийж их цэвэрлэгээ, хичээлийн байрууд болон дотуур байранд ариутгал халдваргүйтгэл хийж байна.

Мөн хичээлийн хоёрдугаар байранд цахилгааны засвар хийгдэж байна.

Соёл: Түвшинширээ сумын уугуул эртний эдлэл цуглуулагчдын холбооны нарийн бичгийн дарга Цэндийн Батсайхан нь төрөлх нутгийнхаа соёлын төвийн үйл ажиллагааг дэмжиж, сумын орон нутаг судлах танхимд 28,0 сая төгрөгийн үнэ бүхий ховор үзмэр, эртний эдлэл хандивлаж, номын санд 400 гаруй ном хандивлалаа.

Эрүүл мэнд: Эрүүл мэндийн яамнаас 65-аас дээш настай ахмадуудад тарааж буй дархлаажуулалтын багцыг сумын нийт 156 ахмадуудад хүргэлээ.

Эрүүл мэндийн төвийн үйл ажиллагаа нь жигд хэвийн явагдаж байна. Амбулаторийн нийт үзлэг 225, алсын дуудлага 13, гэрийн дуудлага 12, хэвтэн эмчлүүлэгч 7, хэвтэн эмчлүүлэгч Ковид /Халдвартай бүс/ - 49. Нас баралт 0. Эрүүл мэндийн яамнаас коронавирусын цар тахлын хүрээнд Covid-ийн вакцинжуулалтыг 12 – 17 насны хүүхдийн 1,2-р тун хэвийн хийгдэж байна. Нийт 79 хүнд вакцинжуулалтыг хийгээд байна.

Энэ сард Коронавирусын гоц халдвар 56 иргэн бүртгэгдэж эмнэлэгт хэвтэн эмчлүүлж гараад байна. Уг голомтот бүсэд 2 баг 10 хоногоор ээлжлэн ажилласан байна.

Тайлан нэгтгэсэн:

Дотоод ажил хариуцсан мэргэжилтэн

Ш.Дүүрэнбилэг

Хянасан:

Тамгын газрын дарга

Ц.Ренчинмядаг